

食不著假身形 萬種塵勞齊放下自然神氣靈靈心猿意馬
兩停停無緣沈苦海有分看蓬瀛

長安新出家者

此箇隴西明大道看來俗累難拘報予天水慕清虛彭城歸正
覺割愛後來間 更有段公明慧性悟來巧變癡愚山侗間得
證無餘忻然如大醉認得本來如

贈鳳翔酒郎中

杜康造底昔日文君當爐沾底騫想古來畢卓親曾偷底是劉
伶十分偏愛底 帝前李白曾吐底藥巴起慈救火遙嘆底司
馬相公常常專專誠底又爭知是郎中貴姓底

道藏輯要

漸悟集

三

晉集七

南柯子

贈陳三翁

在俗非爲俗居塵不染塵如蓮不著水之因萬卉千花一葉不
沾身 營養心中性修完身內神各人了了繼何人龐老全家
拔宅許眞君

予戒酒肉茶果久矣特蒙公見惠梨棗就義亂道一篇

悟徹梨和棗甯貪酒與茶我今雲水作生涯奉勸依予早早早
離家 我得醉醒趣君當生死趨同予物外鍊丹砂九轉功成
步步步煙霞

自誠

兒女心頭盡田園意上除金銀財寶與妻孥物物般般屏棄恰
如無 卻著人情事堪嗟性蠢愚不如一撥守清虛無作無爲
便是好工夫

贈眾道友

心地頻頻掃塵情細細除莫教坑塹陷毗盧常靜常清方可論
元初 性燭頻挑剔曹溪任吸呼勿令喘息氣聲粗晝夜綿綿
端的好工夫

贈馬懷玉

意動心須動心除意亦除無無寂寂還無神氣和同子母得
安居 莫覓曹溪路何須問尾閭眞清眞靜養眞如眞樂眞閑
道藏輯要 漸悟集 三 胃集七 卅七上
眞箇好工夫

又

昨日因何喜今朝爲甚悲喜他向道慕希夷悲則因他華麗不
相宜 旣欲搜玄妙須常做乞兒蓬頭垢面背纍垂意靜心清
便是上天梯

七夕吟

天上初流火人間乍變秋鵲橋銀漢瑞雲浮織女今宵何處喚
牽牛 閨女離閨閣無愁自起愁焚香乞巧拜無休恁肯灰心
守拙列仙儔

又